

Saksprotokoll i finansutvalet - 29.10.2020

Fylkesrådmannen gir slikt svar:

Oversikt over elevtal i skoleåra 18/19, 19/20, 20/21

Elevtal i skulane er ikkje ein statisk storleik, det er variasjonar i løpet av inntaksperioden, søkarar takkar nei til tilbod eller får tilbod på høgare ønske. Det er store bevegelsar i søkarmassen i tida rundt skulestart, og mange får nye eller endra tilbod. Som grunnlag for dimensjonering for neste år nyttar vi elevtal per 10.9. Det er søkarar med ungdomsrett som er grunnlaget for dimensjonering. I inntaksperioden er det søkarar med ungdomsrett som får tilbod om plass. Ved ledige plassar kan skulane ta inn søkarar med andre rettar, etter inntaksperioden er over.

Fylkesdirektøren presenterer elevtal på vg1 og totalt elevtal, alle elevar med ungdomsrett:

Elevtal per september, med ungdomsrett		
Skuleåret	vg1	totalt alle nivå
2018/19	7562	18434
2019/20	7610	18294
2020/21	7905	18985

Som det går fram av tabellen har 700 fleire fått skuleplass i 2020/21 enn året før. Det skuldast auke i kapasiteten.

Prognose for dei to neste skoleår

For å hente ut prognoser på tal elevar har vi to tilgjengelege kjelder, SSB og GSI (grunnskulens informasjonssystem)

SSB tala, veit vi av erfaring, er aldri presise nok til dimensjonering av vg1 kapasiteten frå år til år. GSI tala er basert på innmeldte elevar frå grunnskulane, og er rimeleg presise for første året. Det er uheldig at oppdatering av GSI-tal først vert publiserte i desember, dvs. for seint til å vere grunnlag for dei politiske sakene om budsjett og økonomiplan og opplæringstilbodet.

Våren 2020 var det meldt inn 7238 avgangselevar frå dei kommunale grunnskulane i fylket. Våren 2021 vil det komme 7240 avgangselevar frå dei kommunale grunnskulane i fylket. Tal avgangselevar våren 2021 er henta gjennom kontakt med alle skulane. Det er for store differansar mellom GSI-tal og reelle avgangstal til at det er godt nok som grunnlag for planlegging av kapasitet på vg1.

I tillegg går det om lag 450 elevar i private grunnskular i fylket. Dei største grunnskulane er St. Paul og Danielsen, som også har vidaregåande skular, som mange søker seg til. Grunnskuleelevane er lagt inn i reelle tal for 2020 og 2021 for samanlikning med GSI og SSB. Samtidig gir avgangselevar frå dei kommunale grunnskulane betre treff på kor mange som søker fylkeskommunale vidaregåande skular.

I tillegg til avgangselevane frå grunnskulen må dimensjoneringa ta omsyn til:

- Elevar i grunnskule for minoritetsspråklege/ innføringsklassar for minoritetsspråklege. Erfaringane frå nordfylke er at om lag halvparten av desse er klare for vidaregåande opplæring etter eit år i introduksjon/grunnskule.
- Elevar som gjer omval til eit nytt utdanningsprogram på vg1-nivå
- Elevar som søker til private skular.
- Elevar som har hatt avbrot i opplæringa,
- Elevar som for innvilga rett til vg1 over 2 år
- Elevar med rett til spesialundervisning som går i vg1 klassar over fleire år.

Det er ikkje enkelt å lage treffsikre prognosar for søkartalet framover. Som ein tommelfingerregel reknar vi at søkartalet i vg2 er likt elevtalet i vg1, og at søkartalet i vg3 er 65% av elevtalet i vg2. (Alle studieførebuande utdanningsprogram og ein del yrkesfag med ordinært vg3 i skule). Slik er det likevel ikkje, og det skuldast at mange av dei faktorane som påverkar søkartalet i vg1 gjeld også for vg2; omvalsraten, avbrot og elevar som får innvilga vg2 over 2 år.

Fylkesrådmannen gjer framlegg om at kapasiteten i det utlyste opplæringstilbodet vert dimensjonert på grunnlag av økonomisk ramme, den samla kunnskapen om søkargrunnlag og

behov og erfaringar frå tidlegare. Behov for rekruttering i arbeids- og næringslivet er ein viktig del av det samla kunnskapsgrunnlaget i utforming av opplæringstilbodet. Etter resultatet av søkinga er kjent i mars, må ein justere tilbodet for å få best mogeleg samsvar mellom søkinga, tilgjengelege ressursar og behov i arbeids- og næringslivet.

Vedlegg:

Tabell som syner reelle differansar mellom SSB, GSI og reelle avgangselevar.

Fødde	Inn i vidaregåande opplæring	Reelle tal- 2020 meldt inn i Vigo, 2021 innmelding frå skulane	GSI tal plublisert 19.12.2019			SSB		
			Sogn og Fjordane	Hordaland	Sum Vestland	SSB framskrivning etter alternativ MMMM- 16-åringar i Vestland	Differanse GSI- SSB	Differanse reelle tal - GSI
2004	2020	7626	1446	6316	7762			-136
2005	2021	7620	1449	6185	7634	7761	-127	-14
2006	2022		1347	6312	7659	7674	-15	
2007	2023		1411	6331	7742	7721	21	
2008	2024		1384	6539	7923	7783	140	